

Sobirjon BEKNAZAROV,
Xalqaro innovatsion universitet o'qituvchisi, mustaqil talqiqotchi
E-mail:beknazarovs@mail.ru

Tarix fanlari bo'yicha falsafa doktori X.Raxmatov taqrizi asosida

ETHNODEMOGRAPHIC PROCESSES UNDER AMIR TEMUR AND TIMURIDS

Annotation

This article discusses ethnic processes during the period of Amir Temur and Timurids, as well as the location of the Barlos, Kangar-Kangli, Qarluq, Arghun, Duglat, Onguz, Yasauri, Uz and Az clans, as well as their social and cultural life.

Key words. Amir Temur, Temurians, Mavarunnahr, ethno-demographic processes, Barlos, Kangar-Kangli, Karluq, Arghun, Doghat, Oghuz, Yasavuriy, Uz and from the roots and others

ЭТНОДЕМОГРАФИЧЕСКИЕ ПРОЦЕССЫ ПРИ АМИРЕ ТЕМУРЕ И ТИМУРИДАХ

Аннотация

В данной статье рассматриваются этнические процессы в период правления Амира Темура и Тимуридов, а также местонахождение родов Барлос, Кангар-Кангли, Карлук, Аргун, Дуглат, Огуз, Ясаури, Уз и Аз, а также их общественная и культурная жизнь.

Ключевые слова. Амир Темур, Темурийцы, Моваруннахр, этнодемографические процессы, Барлос, Кангар-Канглы, Карлук, Аргун, Доглат, Огуз, Ясавурый, Уз и от корней и другие.

AMIR TEMUR VA TEMURIYLAR DAVRIDA ETNODEMOGRAFIK JARAYONLAR

Annotatsiya

Ushbu maqolada Amir Temur va temuriylar davrida etnik jarayonlar, shuningdek barlos, qang'ar-qangli, qarluq, arg'un, dug'lat, o'g'uz, yasavuriy, uz va az urug'-qabilalarining joylashuvni, ularning ijtimoiy va madaniy hayoti haqida so'z yuritiladi.

Kalit so'zlar. Amir Temur, temuriylar, Mavarounnahr, etnodemografik jarayonlar, barlos, qang'ar-qangli, qarluq, arg'un, dug'lat, o'g'uz, yasavuriy, uz va az urug'lari va boshq.

Amir Temur Movrounnahr hokimiyatiga kelgach, mamlakatda mo'g'ullar hukmronligi barham topadi. Uning turkiy etnik asosini rivojlanishiga keng imkoniyatlar yaratildi. Amir Temur sultanating o'zagi hisoblangan Movarounnahr va unga tutash mintaqalarda mahalliy sug'diy, xorazmiy, boxtariy va sak qabilalari hamda bronza davridan e'tiboran yashab kelayotgan prototurk ajdodlarimizning talay moddiy madaniyati mavjud ediki, bu etnik qatlamlar tarkibiga V – XIII asrlar davomida juda ko'p turkiy elat va qavmlar (qangli, qarluq, chigil, xalach, turk, o'g'uz, uz, arg'un, tuxsi, yag'mo, dug'lat, sulduz, yasavuriy, qipchoq, barlos, jaloyir, arlot, va boshqalar) kirib kelib, ular ta'sirida mintaqada qadimgi eroniyl tilli (sug'diy, xorazmiy, bohtariy) ajdodlarimizning turklashish jarayonini tezlashtirdi [1:452].

Ularning aksariyat ko'pchiligi O'rta Osiyoning Amudaryogacha bo'lgan hududlariga joylashib, mahalliy aholi bilan aralashib yashaganlar. XI – XIII asrlarga kelib Movarounnahrda etnik holat shu darajada o'zgardiki, endi bu zamin to'la qonli Turkistonga aylandi, turkiy etnik qatlamlar mintaqada har jihatdan hukmron etnos bo'lib goldi. Chingizxon bosqini va Chig'atay ulusini tashkil etish munosabati bilan bu zaminga kirib kelgan mo'g'ullarning Dashti Qipchoqda qolib ketgan urug'-aymoqlari XIV – XV va keyingi asrlarda Movarounnahrda yuz bergan siyosiy voqealarda faol qatnashib, turkiylashib ketgan edilar.

Mavzuga oid adabiyotlarning tahlili. Etnik kelib chiqish jihatidan turk qavmlariga tegishli bo'lgan uzbek va az qabilalari o'zbek xalqi etnogenezida o'z o'rniaga ega. Ammo, ular haqidagi mavjud ma'lumotlar xilma-xil qarashlar va farazlardan iborat. Masalan, XIX asrning 60-80 yillarda tarixiy-etnografik asarlarda (G.Z.Bayer, D.A. Xvolson, F.Sum, S.M. Solovoyev va boshqalar) ularning qipchoqlarning bir urug'i sifatida tilga olinadi. N.M. Karamzin, M.P. Pogodin, F. Brun, P. Golubovskiyler rus yilnomalariga asoslanib, ularning torklar tarkibiga kiritgan. I.N. Jiteskiy ularning bajanaklar qabilasiga tegishli urug' jamoasi desa, N.A. Aristov, V.V. Bartold, S.A. Pletneva, S.G. Agadjanova ularning o'g'uzlar tarkibiga kirgan qabila sifatida talqin etadi. D.A. Rasovskiy ularning o'g'uzlar tarkibiga kiritishni asosziz hisoblab, ularning torklar qavmiga tegishli urug' jamoalaridan biri, deydi. M.M. Ermatov "az" va "uz" etnonimlari bitta qavmiga tegishli, "O'zbek" so'zi aynan ana shu atamalardan kelib chiqqan, deydi. R.A. Agaeva "o'zbek" etnik nomi "az" va "uz" etnonimlariidan kelib chiqqan. Elshunos olim K. Shoniyofovning ta'kidlashicha, "uz" va "az" etnonimlari alohida qabilalar bo'lgan. Ularni na torklar, na qipchoqlar, na bajanaklar, na o'g'uzlar tarkibidagi urug' jamoalarini deb atash xatodir. Mavjud tarixiy-etnografik materiallarni tahliliiga ko'ra, ular o'tmishda turkiyda so'zlashuvchilari bir necha urug' jamoalarining mustaqil qabila ittifoqi bo'lgan deydi [7:70].

Atoqli elshunos olim Karim Shoniyofovning yozishicha, shu asrlarda Movarounnahrda yashovchi qarluq, chigil, xalach, arg'un, barlos, jaloyir, arlot, qavchin, o'g'uz va qipchoq qavmlari salmoqli etnik guruhlari XIV – XV asrlar davomida o'troqlashib, mahalliy aholiga aralashib ketgan edi. Ularning faqat uncha katta bo'lmagan guruhlari yarim o'troqlikda yashab, lalmikor dehqonchilik va bog'dorchilik bilan birga, an'anaviy mashg'ulotlari – yaylov chorvachiligi bilan shug'ullanib kelgan. Ana shunday turk va turklashgan mo'g'ul qabilalardan ba'zi birlari haqida to'xtab o'tamiz.

XIII asrning 60-yillarda tashkil topgan Chig'atay ulusining Amir Temur va temuriylar sultanating tayanch etnik guruhlaridan biri **barloslar** bo'lgan. Ular Amir Temur boschchilligida mo'g'ullar hukmronligini Movarounnahrda barham topishida faol qatnashib, mamlakat ichki hayotining barcha jabhalarida oldindi saflarda bo'lgan. Amir Temur o'g'il va nabiralariga yoki bu yurtni suyurg'ol qilganda, u yerga, eng ishonchli kishilar sifatida barloslardan qo'shib yuborgan. Ulardan ma'muriy mansablarda ham foydalilanilgan. Masalan, Tag'ay-bug'o barlos Buxoroni, Dodmalik barlos Hisori Shodmonni, G'iyosiddin barlosning o'g'li Kirmanni boshqargan.

Amir Temur vafotidan keyin barloslar uning avlodlariga sadoqat bilan xizmat qilishda davom etadi. Shoxruh Mirzo davlat siyosatini ular doimo qo'llab-quvvatlab kelganlar, Ulug'bek 14 yil Qashg'arni o'z hukmida saqlab turishida ko'proq ularga suyangan, Pirmuhammad barlosning Qashg'arni boshqarishida barloslar bosh-qosh bo'lgan [2:43].

Abdurazzoq Samarqandiying ma'lumotlariga ko'ra, XV asrda barloslar davlatining turli viloyatlarda yashab, ularning vakillari amir unvonida temuriyzodalarga xizmat qilgan. Ular avval joylarda etnografik urug' jamoalarini sifatida

yashab kelgan. Keyin mahalliy aholi til ta'sirida mutlaqo turkiylashadi. Ammo, Mavarounnahr va uning atrof viloyatlarida Shayboniyalar hukmronligi o'rnatalgach, barloslarning avvalgi mavkei pasayib ketdi.

Tadqiqot metodologiyasi. Mahalliy sug'diy tilli aholi va o'zga etnik guruhlarning turkiylashish jarayoni avval Sirdaryoning o'rta va quiy havzalarida jadal kechadi. Bu mintaqada turkiylashgan **qang'ar-qangli** elati tarkib topadi. Qang'ar-qangli elatinining etnik tarkibi ko'p komponentli bo'lib, unda turkiy jilo ustuvor mavqega ega edi. Biroq, Qang' davlati parchalangach, K.Shoniyozov qayd qilganidek, ko'p etnik komponentli qang'ar elati ham tarqab ketdi, yaxlit elat sifatida rivojlanishda davom etmadi. O'z davrida uning tarkibida bo'lgan qanglilar Chingizxon bosqiniga qadar Xorazmda va Samarcand atrofida yashagan. Ularning asosiy qismi Dashti Qipchoqda, Balxash qo'li atroflarida, Ila daryosi sohillarida ko'chib yurgen. Ularning Dashti Qipchoq guruhlari Amir Temur davrida Zarafshon vodiysi va Toshkent vohasiga ko'chib kelib, mahalliy aholi bilan aralashib o'troqlashib ketgan.

O'zbek xalqi etnik tarkibida ustuvor o'r'in olgan turkiy ajoddolarimizdan yana biri **qarluqlar** hisoblanadi. Qaluqlarning O'rta Osiyo hududlariga kirib kelishi bir necha xronologik bosqichlarda yuz bergan. Ularning birinchi guruhi milodiy VI asrдан boshlab Farg'ona vodiysi, Toshkent vohasi va Toxaristonga kelib o'rashib, mahalliy aholi bilan aralashib, qorishib, o'troqlashib ketgan. Ikkinci guruhi qarluqlar mo'g'ullar bosqini davrida Ili daryosi havzasini va Yettisuvdan Toshkent va Zarafshon vohalariga, Shimoliy Toxaristonga kelib o'rashib, bu yerlarda oldindan kelib qolgan urug'-aymoqlari bilan qo'shilib ketgan. Qarluqlarning uchinchi guruhi XV asrda Dashti Qipchoqdan Farg'ona vodiysiga ko'chib kelgan [3:166]. Karluqlar va ularga qardosh xalach va chigil qabilalari XIV – XV asrlarda Zarafshon vohasida, Toxaristonda yashar edi. Ular Mavarounnahrning siyosiy hayotida muhim rol o'ynagan. Dashti Qipchoqda qolib ketgan qarluqlar guruhi Shayboniy qo'shinlari bilan birga XVI asr boshlarida Mavarounnahrga kirib keladi.

Tahsil va natijalar. O'zbek xalqi etnik tarkibida **arg'unlar** o'z o'mini topgan. Sirdaryoning o'ng qirg'oq quiy havzalarida yashovchi arg'unlearning ayrim guruhlari VIII – XII asrlar davomida Toshkent vohasiga, Farg'ona vodiysining O'zgan atroflariga, Zarafshon vohasi va Janubiy O'zbekiston hududlariga ko'chib kelib, mahalliy aholi bilan aralashib, ularning katta qismi o'troqlashib ketadi. Ularning bir guruhi XI asrda Xuroson hududlariga borib o'rashadi. XIV-XV asrlarda arg'unlearning asosiy qismi Farg'ona vodiysida, Janubiy O'zbekiston va Shimoliy Afgonistonda yashagan. Ular borgan joylarining til muhitiga ko'ra, yo mahalliy aholini turklashishiga yordam bergen yoki ular ta'sirida o'z etnik nomlarini unutmagan holda forsyi tilli tojiklarga aylangan.

Arg'unlar Amir Temur davlatining tayanchi bo'lgan qirq o'zbek qavmlaridan biri bo'lgan. Ular imtiyozli katta yer egalari – taxxonlar hisoblangan. Arg'unlardan chiqqan amirlar ayrim viloyatlarda hokimlik qilganlar. Masalan, Sulton Xusayn arg'un Qorako'l tumanining hokimi, Mahmud Muqim arg'un Qobul hokimi bo'lgan. Arg'unlearning yuqori tabaqali kishilari Temuriylar xonadoni bilan qarindoshlik munosabatda ham bo'lgan. Mavarounnahrdha Shayboniyalar hukmronligi o'rnatalgach, arg'unlearning mavkei tushib ketadi. Ular asosan o'troqlashib, turg'un aholi bilan qorishib ketgan.

XIV – XV asrlarda Mavarounnahrdha yashagan yirik chorvador qabilalardan yana biri **dug'latlar** hisoblanadi. Rashididdin ularni mo'g'ul qabila ittifoqiga kirgan turkiy qabila deydi, V.V.Bartold esa ularni mo'g'ul deydi. N.A. Aristov dulu va dug'lat bir xalq degan g'oyani o'rtaga tashlaydi. Darhaqiqat, Turk xoqonligi inqirozga uchragach, uning tarkibida bo'lgan dulu qabilalarining bir qismi ona yurtlari Ili vodiysi, Yettisuvni tashlab, boshqa yurtlarga ko'chib ketadi, qolgan qismi esa ona yurtlari yashashda davom etadilar.

Chig'atoi ulusi tashkil topgach, Chig'atoi ulusining sharqiy hududlarida Manglay Suba (quyosh tomonga qaragan yer) mulki tashkil topadi. Bu mulkka Yettisuvdan to Qashg'argacha bo'lgan yerlar qaragan va uni boshqarishni Chig'atayxon dug'latlarga topshirgan. Dug'latlar boshqargan yurtlar manbalarda "Mo'g'uliston" atalib, u hududlarning dulu turkiylari, hatto dug'latlarning o'zlarini ham yurt nomi ostida dug'lat-mo'g'ul bo'lib ketgan. Bu fikr O'zbekiston milliy ensiklopediyasida ham o'z aksini topgan [4:393].

Dug'latlarning ayrim guruhlari XIV – XV asrlarda Farg'ona vodiysida, Samarcand va Hisorda, Qorategin va boshqa joylarda tarqoq holda yashaganlar va turkiyda so'zlashganlar. Hisor dug'lat sultonlari Bobirga beg'araz xizmat qilganlar.

XIV – XV asrlarda Mavarounnahrdha yashagan yana bir yirik qabila **o'g'uzlar** edi. Ularning bir guruhi Sirdaryoning quiy havzalaridan X asrda Somoniy amirlaridan iltimos qilib, Nurota tog' yonbag'irlariga ko'chib kelgan. O'g'uz saljuqlarining turkman guruhlari XI – XII asrlarda Qoraxoniyalar davrida Buxoro atroflari, Shimoliy Xurosonga, ya'ni Hozirgi Turkmaniston hududlariga kelib o'rashadi.

XIV – XV asrlarda Sirdaryoning quiy havzasini Dashti Qipchoqdan Mavarounnahrga yana bir qancha o'g'uz, saljuq turkman guruhlari kirib keladilar. Asrlar davomida o'zbeklar bilan yonma-yon yashab kelgan o'g'uzlar va saljuq turkmanlarining bir qismi o'z etnik nomlarini unutmagan holda o'troqlashadilar. Ularning keyingi avlodlari o'zlarini o'zbek turkmanlari yoki "Nurota turkmanlari" deb ataganlar.

Temuriylar davrinining turkiy tilli qabilalaridan yana biri **sulduz** qabilasi bo'lib, Sharofiddin Ali Yazdiy "Zafarnoma" sida aks etgan tarixiy voqealar bayonida ular XIV asrda Chag'oniyon, Hisor vodiysi va Shimoliy Afg'onistonda Balx viloyatida yashaganligi qayd etilgan. Hisori Shodmondag'i sulduzlarning amiri Bayon sulduz Chig'atay ulusining g'arbiy qismida e'tiborli amirlardan va amir Qazag'onnинг Hirota yurishida qatnashgan. Amir Qazag'onnинг o'limidan so'ng, uning o'g'li amirzoda Abdullohu Chig'atay ulusi g'arbiy qismida hukmronlikni egallaydi va Samarqandni o'ziga poytaxt qiladi. U Chingiziyoda mo'g'ul amirlaridan avval Bayonkulixonni, so'ng Temurshoh o'g'lonni soxta xon qilib ko'taradi. Bundan norozi bo'lgan Bayon sulduz lashkar yig'ib, Hisori Shodmondan Samarqandga yurish qiladi. Unga Hoji barlos ham qo'shilib, ular ikkovlashib Abdullohn Samarcandan quvib chiqaradilar. Amir Temurni hokimiyatga chiqishi oldidan Mavarounnahrdha yuz bergen feodal tarqoqlikni avj olishida Bayon sulduzning roli bo'lgan. Chunki, u avval Chingiziyoda Tug'luq Temurga xayrixoh bo'lgan, keyinchalik Amir Temurning mo'g'ullarga qarshi kurashida uning tomoniga o'tib, 1370-yilgi Balx janglarida o'z qo'shinlari bilan qatnashib, Amir Temurning ishonchli amirlariga aylanadi.

Amir Temurni sulduzlar bilan qarindoshligi ham bo'lgan, ya'ni Sohibqiron Bayon sulduzning qizi Ulusni o'z haramiga olgan. Bayon sulduzning o'g'li Shayx Muhammad sulduz dastlab Amir Temurga sadoqatli bo'lgan, biroq keyinchalik Temurga qarshi uyuşdırılgan suiqqasdda qatnashib qatl qilingan [5:40].

Amur Temurga sadoqat bilan xizmat qilgan qabilalardan yana biri **yasavuriy** bo'lib, ular Sharofiddin Ali Yazdiy "Zafarnoma" sida tilga olinishiga qaraganda Samarqand atrofidagi Saripul va Totkanda yashagan. Ularning sardori Xizr Yasavuriy vaziyatga qarab siyosat yurgizuvchi bo'lgani bois, u goh Tug'luq Temurga, goh Amir Temurga yon bosib, og'machilikda nom chiqargan. U 1365-yilda vafot etgan. Shundan so'ng yasavuriylar Hoji Mahmudshoh boshchiligidagi to'la-kis Amir Temurga bo'yasinib, unga sadoqat bilan xizmat qiladi. Amir Temur ham Hoji Mahmudshohni janglardagi jasoratini

hisobga olib, 1370-yilgi Balx yurishidan qaytgach, Keshda mansab taqsimlaganda uni lashkarboshi etib tayinlaydi va u bilan qarindoshlik rishtalarini bog'laydi. Ilyos yasavuriyning qizi Baxt Malik og'anisi Mirzo Jahongirga olib bergan. Bu nikohdan Mirzo Pirmuhammad dunyoga keladi. Amir Temur o'limi oldidan uni o'ziga taxt vorisi qilib tayinlagani haqida Ali Yazdiy yozgan [6:296].

Xullas, Amir Temur va temuriylar davrida bir qator turkiy va mo'g'ul qabilalari Movarounnahr hududiga kirib kelib o'troqlashadi. Ushbu qabila va urug'lар mintaqasi aholisining ijtimoiy, iqtisodiy, madaniy va siyosiy hayoti, shuningdek o'zbek xalqining etnik tarkibining kengayishiga xizmat qilgan.

ADABIYOTLAR

1. Аскаров А. Ўзбек халқининг келиб чиқиши тарихи. – Тошкент: Ўзбекистон, 2019. 452-бет.
2. Мирза Мухаммад Хайдар. Тарихи Рашиди. Перевод с персидского А.Уринбаева. – Т.: 1966. срт.43.
3. Захириддин Мухаммад Бобур. Бобурнома. – Т.: 1960. 166-бет.
4. Ўзбекистон Миллӣ Энциклопедияси, 3-жилд. – Тошкент: 2002. 393-бет.
5. Бўриев О. Шарофиддин Али Яздий “Зафарнома”сида Марказий Осиё аҳолисининг этник-худудий ҳолати ҳақида маълумотлар // ЎзМУ хабарлари, - Т.: 2013. 40-бет.
6. Шарафуддин Али Йаздий. Зафарнома. – Т.: 1997. 296-бет.
7. Шаниязов К.Ш. Узы (из истории родоплеменных делений узбеков). “Общественные науки в Узбекистане”, 1970, № II. – с.70.